

## **Imminut toquttarneq pillugu oqaloqatiginnissinnaanermut pikkorissartitsineq pillugu aalajangiiffigisassatut siunnersuut**

Kommunalbestyrelsimut ilaasortap Knud Mathiassenip (IA) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmut Kiffartuussivik - Kommunaldirektøri Lars Møller-Sørensen / LMS

### **Suliassamik eqikkaaneq**

Kommunalbestyrelsimut ilaasortaq Knud Mathiassen (IA) maajip 17-anni 2018

Kommunalbestyrelsimut aalajangiiffigisassatut imminut toquttarneq pillugu

oqaloqatiginnissinnaanermut pikkorissartitsinissaq pillugu siunnersuuteqarpoq.

### **Inassuteqaat**

Suliffeqarfimmut Kiffartuussiviup Kommunalbestyrelsimut inassuteqaatigaa:

- Knud Mathiassen (IA) siunnersuutaa Kommunalbestyrelsimi oqaluuserineqassasoq taamatullu suliap ingerlaqqinnissaa aalajangiiffigineqassasoq

### **Suliassamik saqqummiussineq**

Kommunalbestyrelsimut ilaasortaq Knud Mathiassen (IA) maajip 17-anni 2018

Kommunalbestyrelsimut aalajangiiffigisassatut imminut toquttarneq pillugu

oqaloqatiginnissinnaanermut pikkorissartitsinissaq pillugu siunnersuuteqarpoq.

### **Siunnersuuteqarnermut tungavilersuut:**

- Imminut toquttarneq ukiut tamaasa pisartoq naliginnaavallaarnera annertusiartuinnarneralu unitsinniarlugu.
- PISOQARTILLUGU kommunitut akisussaaffik annertoq tiguneqartarmat kiisalu ilaqaatasut nunaqqataasullu oqimaatsumik eqqugaasarmata.
- Inuiaqatigiinni ilaqutariippassuit imminut toqussimasumik nalaattaqarnerat annertummat siunissaq eqqarsaatigalugu erloqinangaartoq kinguaassatsinni kingornunneqannginnissaa qulakkeerusullugu.

Siunertaq:

- Siunertaavoq imminut toquttarneq pinaveersaarniarlugu siusinaartumik iliuuseqarsinnaanermik Kommunip Isumaginninnikkut susassaarfii sulisui pikkorissarneqartalernissaat taassuma saniatigut misissorneqartariaqartoq innuttaasut nunaqqataasullu oqaloqateqarsinnaanermut ukiut tamaasa ataavartumik pikkorissartinneqartalernissaat, Tasiilami eqqaanilu nunaqarfii ilanngullugit.
- Siunertaavoq imminut toqunnissamik eqqarsaateqartartunut oqaloqatiginnittartut qanimut ornigullutik pikkorissaasalernissaat.
- Siunertaavoq siunissami Ilaqutariit Toqqissisimasut pilersikkumallugit.

*Aaqqiissutissatut siunnersuut – suliatigut naliliineq*

Borgmesterip Allatseqarfiata innersuussutigaa, siunnersuut ataatsimiititamut susassaartumut ingerlateqqinneqassanersoq Kommunalbestyrelsimi aalajangerneqassasoq.

*Aningaasaqarnikkut sulisoqarnikkullu naliliinerit*

Aningaasatigut sulisoqarnikkullu naliliinerit, suliap ataatsimiititamut susassaartumut ingerlateqqinnissaanut, Kommunalbestyrelsip aalajangiinerani suliamut ilaatinneqassapput.

*Inatsisitigut tunngavissaq allakkallu tunngaviusumik uppernarsaatitalit*

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussisinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat sukkulluunniit malinneqartussaataasut pillugit kommunalbestyrelsimut nalunaaruteqassapput.

Kommunalbestyrelsip suleriaasissaatut aalajangersagaq §3:

Ilaasortaq, kingusinnerpaamik ataatsimiiffissaq sioqqullugu ullut 14-it qaangiutsinnagit suliassamik suliarinneqqusilluni allakkatigut qinnuteqassaaq, suliassaq taanna borgmesterip ileqquusumik ataatsimiinnissap tullianut oqaluuserisassanut ilanngutissavaa.

*Ingerlariaqqinnissaq*

Kommunalbestyrelsip aalajangerera Borgmesterip Allatseqarfianit allaffissornikkut suliarineqassaaq.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

**Innuttaasunik peqataatitsineq/attaveqaqatigiinneq**

Soqanngilaq.

**Ingerlatsivinniit allaniit oqaaseqaatigineqartut**

Ingerlatsivinnit allanit oqaaseqartitsisoqanngilaq.

**Ilanngussat**

Soqanngilaq